

ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ
ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

Կ Ա Ն Ո Ն Ա Դ Ր Ո Ւ Թ Յ Ո Ւ Ն

1. Ընդհանուր դրույթներ

1.1. «Արցախի պետական համալսարան» պետական ոչ առևտրային կազմակերպության (այսուհետ՝ ԱրՊՏ) ուսանողական գիտական ընկերությունը (այսուհետ՝ ՈՒԳԸ) ուսանողների և աապիրանտների ինքնակառավարվող համալսարանական միավորում է, որի նպատակն է՝ նպաստել սովորողների, երիտասարդ գիտաշխատողների ու դասախոսների կրթական, գիտական, ստեղծագործական և հոգևոր զարգացմանը:

1.2. ՈՒԳԸ-ն, որպես ուսանողական հասարակական միավորում, չունի իրավաբանական անձի կարգավիճակ և իր գործունեությամբ ղեկավարվում, իր հարաբերությունները ԱրՊՏ այլ կառույցների հետ կարգավորում է Լեռնային Ղարաբաղի Հանրապետության օրենսդրությամբ, «Բարձրագույն և հետբուհական մասնագիտական կրթության մասին» ԼՂՀ օրենքով, ԱրՊՏ կանոնադրությամբ, սույն կանոնադրությամբ, ԱրՊՏ գիտական խորհրդի համապատասխան որոշումներով:

1.3. ՈՒԳԸ կանոնադրությունը և նրա մեջ կատարվող փոփոխությունները ընդունվում են ԱրՊՏ գիտական խորհրդի և հաստատվում՝ կրթության պետական կառավարման լիազոր մարմնի կողմից:

1.4. ՈՒԳԸ-ն իր նպատակների և խնդիրների լուծման, ծրագրերի իրականացման համար համագործակցում է ԱրՊՏ ուսանողական խորհրդի և կառուցվածքային ստորաբաժանումների հետ՝ ելնելով փոխօգնության, փոխշահավետության սկզբունքներից և երկկողմանի ստորագրված պայմանագրերից ու համաձայնագրերից:

1.5. ՈՒԳԸ այլալեզու անվանումներն են՝

1.5.1 ռուսերեն՝ Студенческое научное общество Арцахского государственного университета, կարճ՝ СНО АРГУ,

1.5.2 անգլերեն՝ Student Scientific Society of Artsakh State University, կարճ՝ SSS of ASU:

1.6. ՈՒԳԸ հասցեն է՝ ԼՂՀ, ք.Ստեփանակերտ, Մխիթար Գռչի 5:

2. ՈՒԳԸ նպատակն ու խնդիրները

2.1. ՈՒԳԸ նպատակն է՝ նպաստել ուսանողների, աապիրանտների և երիտասարդ գիտաշխատողների ու դասախոսների կրթական, գիտական, ստեղծագործական ու հոգևոր զարգացմանը, նրանց համար գիտությամբ զբաղվելը դարձնել հետաքրքիր ու պահանջված:

2.2. ՈՒԳԸ գործունեության հիմնական ուղղություններն ու խնդիրներն են.

2.2.1. կրթական, գիտական, հետազոտական, ստեղծագործական և հոգևոր ոլորտներում սովորողների ակտիվ գործունեության և նախաձեռնությունների սատարում, միջոցառումների իրականացում,

2.2.2. գիտաժողովների, գիտական հավաքների (ֆորումների), ընթերցումների, կոնֆերանսների, սեմինարների, մրցույթների, փառատոնների, ցուցահանդեսների,

ամառային դպրոցների, գիտահանրամատչելի դասախոսությունների և գիտական ու կրթական այլ ուղղվածություն ունեցող միջոցառումների կազմակերպում՝ ընդգրկելով նաև արտահամալսարանական գիտական ներուժը,

- 2.2.3. համալսարանական երիտասարդական գիտական ներուժի նպատակաուղղված օգտագործում և դրա մասին տեղեկության համակարգում,
- 2.2.4. մտավոր բարձր կարողություններով օժտված, շնորհաշատ ուսանողներին և ասպիրանտներին համակողմանի աջակցության ցուցաբերում,
- 2.2.5. գիտահետազոտական խմբերում և տարբեր գիտական ծրագրերում ուսանողների ընդգրկում,
- 2.2.6. ուսանողների գիտական աշխատանքների և այլ նյութերի հրատարակում,
- 2.2.7. գիտական կենտրոնների և նմանատիպ այլ կառույցների հետ կապի հաստատում, փոխգործակցության կազմակերպում, տեղեկատվության փոխանակում:

3. ՈՒԳԸ կառուցվածքը

3.1. ՈՒԳԸ խորհուրդը

- 3.1.1. ՈՒԳԸ ղեկավար մարմինը նրա խորհուրդն է, որը ձևավորվում է ՈՒԳԸ նախագահից, նրա տեղակալից, քարտուղարից և ֆակուլտետների ուսանողական գիտական ընկերությունների (այսուհետ՝ ՖՈՒԳԸ) նախագահներից:
- 3.1.2. ՈՒԳԸ խորհուրդն իր աշխատանքը կազմակերպում է նիստերի միջոցով: Նիստը գումարվում է ուսումնական կիսամյակում ոչ պակաս, քան երեք անգամ: Բոլոր նիստերն արձանագրվում են:
- 3.1.3. ՈՒԳԸ-ն իր գործունեությունը և ընթացիկ միջոցառումները կազմակերպում է՝ ԱրՊՏ ուսանողների հետ տարվող աշխատանքների, հանրային կապերի և լրատվության բաժնի հետ անմիջական համագործակցությամբ:
- 3.1.4. ՈՒԳԸ խորհուրդը՝
 - քննարկում և որոշում է ՈՒԳԸ գործունեության կարևորագույն ուղղությունները, միջոցներ է ձեռնարկում որոշումների իրականացման համար,
 - իրականացվող աշխատանքների կատարելագործման վերաբերյալ առաջարկներ է ներկայացնում ԱրՊՏ ռեկտորին, գիտական խորհրդին,
 - լսում է ՈՒԳԸ նախագահի տարեկան հաշվետվությունը և այն ներկայացնում է ԱրՊՏ գիտական խորհրդի քննարկմանը,
 - մշակում է առաջիկա ուսումնական տարվա ՈՒԳԸ աշխատանքային ծրագիրը, ընթացիկ և հեռանկարային ծրագրերը, հաստատում և կորոշինացնում է ՖՈՒԳԸ-ների աշխատանքները և ծրագրերը,
 - մշակում ու գիտական և միջազգային համագործակցության գծով պրոռեկտորի հաստատմանն է ներկայացնում իր աշխատակարգը,
 - ստեղծում, վերակազմավորում և լուծարում է սույն կանոնադրությամբ չսահմանված ՈՒԳԸ աշխատանքային օղակներ՝ միջոցառումների կազմակերպման նախաձեռնող և աշխատանքային խմբեր, երիտասարդ հետազոտողների, բանավեճի, ինտելեկտուալ, ստեղծագործական և այլ ուղղվածություն ունեցող խմբակներ, ակումբներ, հաստատում նրանց կազմը և աշխատակարգը,
 - վավերացնում է ընկերության անունից կնքած պայմանագրերն ու համաձայնագրերը:
- 3.1.5. ՈՒԳԸ խորհրդի նիստն օրինական է, եթե նրան մասնակցում են անդամների ընդհանուր թվի առնվազն 2/3-ը: Որոշումներն ընդունվում են նիստի մասնակիցների ընդհանուր թվի ձայների պարզ մեծամասնությամբ:

3.1.6. ՈւՌԳԸ խորհրդի արտահերթ նիստ կարող է հրավիրվել ՈւՌԳԸ նախագահի կամ ՈւՌԳԸ խորհրդի անդամների 1/3-ի պահանջով:

3.2. ՈւՌԳԸ նախագահը, նախագահի տեղակալը և քարտուղարը

3.2.1. ՈւՌԳԸ նախագահ կարող է ընտրվել ԱրՊՏ այն ուսանողը, ասպիրանտը կամ մինչև 35 տարեկան երիտասարդ գիտաշխատողը, ով ունի գիտական աշխատանք կատարելու արտահայտված հակումներ և կազմակերպչական ունակություններ:

3.2.2. ՈւՌԳԸ նախագահի թեկնածություններն ամբիոնների վարիչների հետ քննարկում և ուսումնական տարվա մայիսի վերջին ռեկտորին են ներկայացնում ֆակուլտետների ղեկավարները:

3.2.3. Ներկայացված թեկնածուներից ՈւՌԳԸ նախագահ ընտրելու համար ԱրՊՏ ռեկտորը ձևավորում է մրցութային հանձնաժողով՝ գիտական և միջազգային համագործակցության գծով պրոռեկտորի գլխավորությամբ: Մրցութային հանձնաժողովը քննարկում և հնգօրյա ժամկետում ռեկտորին է ներկայացնում ՈւՌԳԸ նախագահի թեկնածուին:

3.2.4. ՈւՌԳԸ նախագահի թեկնածությունը հաստատվում է ԱրՊՏ գիտական խորհրդի կողմից՝ ռեկտորի ներկայացմամբ, մեկ տարի ժամկետով:

3.2.5. ՈւՌԳԸ նախագահը միաժամանակ ՈւՌԳԸ խորհրդի նախագահն է:

3.2.6. ՈւՌԳԸ նախագահը՝

- համակարգում է ՈւՌԳԸ խորհրդի գործունեությունը,
- ապահովում է ՈւՌԳԸ կառուցվածքային միավորների համագործակցությունը,
- ի պաշտոնն ներկայացնում է ՈւՌԳԸ-ն, կնքում է պայմանագրեր և համաձայնագրեր,
- տարեկան հաշվետվությամբ հանդես է գալիս ԱրՊՏ գիտական խորհրդում:

3.2.7. ՈւՌԳԸ նախագահը ցած է դնում իր լիազորությունները.

- պաշտոնավարման ժամկետը լրանալու կապակցությամբ,
- իր դիմումի համաձայն՝ ԱրՊՏ հետ հարաբերություններն ընդհատելու, առողջական, ընտանեկան և այլ պատճառներով,
- գիտության և միջազգային համագործակցության գծով պրոռեկտորի ներկայացմամբ՝ իր կանոնադրային պարտականությունների կատարման մեջ թերանալու դեպքում,
- ՈւՌԳԸ խորհրդի հիմնավորված որոշմամբ՝ ԱրՊՏ ներքին կանոնակարգի, սույն կանոնակարգի պահանջների հետ անհամատեղելի արարք թույլ տալու դեպքում,
- ԱրՊՏ կանոնադրությամբ չարգելված այլ դեպքերում:

3.2.8. ՈւՌԳԸ նախագահը մինչև ուսումնական տարվա վերջը ԱրՊՏ ռեկտորի հրամանագրմանն է ներկայացնում իր տեղակալին, ով պետք է լինի մեկ այլ ֆակուլտետից, և ՈւՌԳԸ քարտուղարին:

3.2.9. ՈւՌԳԸ նախագահի տեղակալը՝

- կորդինացնում է ՈւՌԳԸ աշխատանքային օղակների գործունեությունը, նիստերի ժամանակ հանդես է գալիս կատարած աշխատանքների մասին հաղորդմամբ,
- համակարգում է ՈւՌԳԸ և ՖՈՒԳԸ-ների քարտուղարների աշխատանքը,
- ՈւՌԳԸ նախագահի բացակայության ժամանակ կատարում է նրա պարտականությունները:

3.2.10. ՈւՌԳԸ քարտուղարը արձանագրում է նիստերը, վարում գործավարությունը՝ առաջնորդվելով ՈւՌԳԸ խորհրդի աշխատակարգով:

3.3 . ՖՈՒԳԸ

3.3.1 ՈւՌԳԸ կառուցվածքային սկզբնական օղակը ՖՈՒԳԸ-ն է, որը ձևավորվում է ղեկանի նախաձեռնությամբ՝ ամբիոնների կողմից ներկայացված բարձր

ուսումնական առաջադիմություն և ակտիվություն ունեցող առնվազն երեքական ուսանողներից, ինչպես նաև ասպիրանտներից, երիտասարդ գիտաշխատողներից և դասախոսներից՝ կամավորության հիմունքներով:

- 3.3.2 ՖՈՒԳԸ առաջադրմամբ և դեկանի ներկայացմամբ ֆակուլտետի խորհուրդը հաստատում է ՖՈՒԳԸ նախագահի, նրա տեղակալի, քարտուղարի թեկնածությունները, ովքեր անմիջականորեն կազմակերպում են ՖՈՒԳԸ աշխատանքները, ներկայացնում ՖՈՒԳԸ-ն և նրա ծրագրերը ՈՒԳԸ խորհրդում:
- 3.3.3 ՖՈՒԳԸ-ն մշակում և իրականացնում է ծրագրեր, որոնք ուղղված են ՈՒԳԸ կանոնադրական նպատակների և խնդիրների իրականացմանը:
- 3.3.4 ՖՈՒԳԸ նիստերը հրավիրվում են առնվազն ամիսը մեկ անգամ: Նիստերը հրավիրվում են նախագահի կողմից կամ անդամների 1/3-ի պահանջով: Նիստն օրինական է, եթե մասնակցում են անդամների թվի կեսից ավելին, իսկ որոշումներն ընդունվում են անդամների ընդհանուր թվի ձայների պարզ մեծամասնությամբ:
- 3.3.5 ՖՈՒԳԸ-ն կարող է կյանքի կոչել երիտասարդ հետազոտողների, բանավեճի, ինտելլեկտուալ, ստեղծագործական և այլ ուղղվածություն ունեցող խմբակներ, ակումբներ, որոնց կազմում կարող են ընդգրկվել ֆակուլտետի այլ ուսանողներ ևս:
- 3.3.6 ՖՈՒԳԸ-ն կարող է մշակել իր աշխատակարգը և կատարել սույն կանոնադրությանը չհակասող այլ գործառույթներ:

4. ՈՒԳԸ միջոցները և դրանց օգտագործման կարգը

4.1. ՈՒԳԸ միջոցները գոյանում են ԱրՊՆ բյուջեից կատարվող մասհանումներից, հովանավորների նվիրատվություններից և ԼՂՏ օրենսդրությամբ չարգելված այլ աղբյուրներից:

4.2. ԱրՊՆ բյուջեից ՈՒԳԸ-ին տրամադրվող միջոցների չափը որոշվում է ՈՒԳԸ նախագահի ներկայացրած և ռեկտորի հավանությանն արժանացած ծրագրերի նպատակային ֆինանսավորման եղանակով:

4.3. ՈՒԳԸ-ն սահմանված կարգով անվճար օգտվում է ԱրՊՆ տարածքային, գույքային, տեխնիկական և այլ միջոցներից:

4.4. ՈՒԳԸ միջոցները օգտագործվում են բացառապես կանոնադրական նպատակների և խնդիրների իրականացման համար:

5. ՈՒԳԸ գործունեության դադարեցման կարգը

5.1. ՈՒԳԸ-ն իր գործունեությունը դադարեցնում է ԱրՊՆ գիտական խորհրդի որոշմամբ կամ ԼՂՏ օրենսդրությամբ սահմանված կարգով:

5.2. ՈՒԳԸ լուծարումից հետո նրա ամբողջ գույքը և միջոցները համարվում են ԱրՊՆ սեփականությունը: